

中國地方志集成

貴州府縣志輯 ②⑧

咸豐興義府志
(一)

巴蜀書社 • 鳳凰出版社 • 上海書店

第二十八冊目錄

咸豐興義府志(一)

.....

豐咸

興義府志

(一)

清·張鎰 修 鄒漢勛 朱逢甲 纂

咸豐四年刻本 七十四卷首一卷

民國三年貴陽文通書局據刻本鉛排本

舊志序

南籠無志也。地落荒陬。苗多蠱螭。歷以騶磨外之。統歸梁州南境。無可志。亦不必志也。洎乎前明。分戍置屯。設衛所於陵元之堡。始曰安籠。嗣是以還。人雜漢彝。地近衣冠。歷二百餘年。宜若有可志者。乃割隸無定。風物可知。山川雖猶是也。而有苗未格。難成大禹之謨。稽黔志於子章。亦屬筆終未及矣。洪惟我

朝文德誕敷。遠人來服。自古不臣之地。莫不喁喁嚮風。屬在南籠。又其

聲教所先訖者。改廳建府以來。定田賦。設膠庠。舉侏離獯悍之習。廓而清之。百年之氣象維新。

一人之經綸丕著也。昌恭膺

興義府志序

簡命。來守是邦。雖稽往事。未有成書。履新阡而經界綺錯。臨頽壁而雅藻芳流。其間象野之拱於辰。山澤之奠於位。城郭之固吾圉。區域之畫乃封。歷歷可徵。恍若圖呈在目。矧乎式孝友之閭。其人可作。綽節義之楔。厥事如生。無曰邊隅。有足多者。是可知南籠之無志。以無可志也。今之風土人物。較諸往昔。若開草昧而啓鴻濛。風氣協天。時物隨化。按百餘年休養薰陶之情事。而臚列之。將以占天時。考封域。稽治畝。明官常。別貞淫。刺奢儉。察祿祥。昭信守。悉具於是。無事附會遠搜。徒落摺持者。猗歟休哉。從古羈縻之屬。歷無可志者。而今志之。且必志之者何也。蓋志者志其實也。實之不存。志將焉屬。故昔之風土人物。無可志。而今志之。且必志之。實以志

盛朝至治之實云爾。由斯以談。昌是以不揣無文。竊取周官外史氏

之意。據事直書。以附文獻之末。而南籠於是乎有志。

乾隆二十九年十月

賜進士出身朝議大夫知貴州南籠府事成都李其昌撰

興義府志序

興義府志序

我

朝土宇版章增其式廓萃天下郡國志以成一統志典至鉅也若是乎郡國不可以無志志不可以不詳備屬在邊徼爲尤急誠以地居荒遠風土人情必文獻足徵而始

興義府志序

著然需之孔急而成之愈難淺見寡聞汲古功疎則攷覈難撐腸拄腹泥古不化則著作難取才富有論古無識擇焉不精語焉不詳則論斷尤難加以簿書鞅掌案牘勞形屈首朱墨日不暇給則又難乎其難以故通都大邑經

國家承平二百餘年教澤風行文華日盛而志乘缺如者猶且不乏矧在邊徼去京師萬里者乎歲壬子奉

命視學黔南所至必取志乘覽之以藉知其習俗而識其土風去春至興義興義古牂柯地遠畿輔幾

興義府志序

萬里甫下車郡守

春潭年丈將

往威甯權道篆一晤而別今冬科試重來公仍守此以所撰府志見示讀之較舊志詳數倍舊志書僅八卷無表無列傳公自道光二十一載來守是邦喜其地僻而事簡愛其習俗之醇茂公餘取舊

志刪其繁存其要補其略增其遺
分門別類釐爲七十四卷聚十三
載之精神搜萬餘卷之積軸傳疑
傳信網羅數十載之舊聞其慎其
難更易十數番之手稿而後質諸
鄒淑績孝廉朱蓮生茂才均謂毫
髮無憾始出付剞劂嗚呼備矣

公蓋裕作史之學擅作史之才具
作史之識故攷覈詳明著作淹雅
論斷精當讀公之志庶邊徼之
風土人情均可悉其概矣以篇家
之鴻筆登著作之庭所謂大雅宏
達於是乎在惡可以不書
咸豐四年歲次甲寅孟冬望後穀

旦提督貴州學政翰林院編修年
愚姪黃統謹序



興義府志序

郡之有志所以表賢敦俗佐治興文考沿革正疆域辨險要察風土論政教勵官常詳典章以備掌故者也興郡南界粵西界滇盤江環郡萬山凌雲漢苗雜處爲黔省西南要郡尤不可以不詳志粵稽郡地上古爲盤瓠國唐虞爲荒服殷曰鬼方周曰夜郎曰牂柯曰靡莫其時屬在遐荒未漸聲教文物闕如迨漢始置郡縣前漢曰牂柯郡曰夜郎縣後漢曰興古郡晉曰夜郎郡名宦鄉賢於時輩出可志良多降及六朝厥地沒入蠻蠻至唐繼廢遙置盤州宋爲羅荊國爲于矢部未置郡縣元爲普安路凡此數朝稽之載籍間有可徵迨至明初於今郡之全境設二衛六所二衛者普安衛安南衛六所者安南所安隆所新興所新城所中左所中右所是也明之中葉又析普安

興義府志序

衛置普安州一朝之人物典章粲然可考洎我

皇朝順治初年故明之永明王竊據郡境僻改安隆所爲安龍府至順治十五年地入版圖乃改安龍府爲安龍所後析普安衛置普安縣康熙時又裁安南安龍二所設南龍廳改安南衛爲安南縣雍正中始升南龍廳爲南龍府又割泗城地設永豐州與普安州普安縣安南縣並隸府郡守與州縣分境而治乾隆中仍其制至嘉慶二年平苗乃

賜改南龍府曰興義府改永豐州曰貞豐州又析府地及普安州地設興義縣而普安州旋改爲普安廳遂不隸府于是郡領州一縣三曰貞豐州興義縣普安縣安南縣郡守仍與州縣分境而治而所領州縣與雍正乾隆時異矣洪惟我

國家

聖聖相承

皇仁遠被

文教遐宣久道化成以迄于今郡境沐浴

聖化二百餘年矣禮樂彬彬人文蔚起風俗醇美允臻極盛猗歟休哉人物典章誠志不勝志焉守斯郡前後瞬逾十載憶道光二十一年初來守郡見郡境山川奇秀風氣敦龐士樂詩書民安耕鑿驪然喜既乃考典章覽郡志志爲乾隆中李漣溪郡守撰書名南龍府志凡八卷紀載頗簡明惟書中僅有八志而無表與列傳又書成于乾隆二十九年距今幾及百年郡與州縣既經析置改隸凡疆域制度田賦之類已多與今不合矧近百年中郡之名宦鄉賢忠臣孝子

興義府志序

文人良將以及列女宜續志者多且舊志僅志府親轄境事未志所屬各州縣境事則舊志不可不增修也修郡志郡守責也談不敢多讓自任增修乃出藏書萬卷博考纂輯復詢紳士訪父老屬草焉如是者十年爰凡數易道光三十年聘楚南鄒淑績孝廉來郡出彙相質商確經年又易彙者再咸豐元年又聘江南朱蓮生茂才勸修商確兩年與共定義例闕者補僞者正冗者節泛者刪又數易彙至咸豐三年乃成書七十四卷凡志四十二卷表十二卷列傳十七卷都

計自屬草以迄成書凡十有三年而書乃成甚矣其難也鑽之心力瘁于此書矣然一人之耳目有限天下之載籍無窮黔中古籍如明趙汝謙之平黔記李榕之平黔紀略趙璣之貴州新志諸書錄均未之見恐于郡事僅知什一于千百耳而欲懷心大備豈有已時姑先

樂行以待將來再修增補。惟竊思古今撰志者約有十六病。或考今遺古。枘腹成書。逞臆而言。無徵不信。病一。或繁徵博引。與地無關。穿鑿支離。茫無端緒。病二。或直寫采訪之冊。大類胥鈔。冗贅引證之書。不知裁剪。病三。或時攪俚語。言之無文。或轉借艱深。以文淺陋。病四。或數卷之中。自相矛盾。各卷之內。論斷不加。病五。或但據舊文。弗參互考。但知其一二。不知其他。病六。或傳方外。則高談仙佛。志邱墓。則修語鬼神。志祠祀。則文廟與寺觀並列。崇尙異端。鑿戾書旨。儒者譏之。病七。或廣載藝文。幾同文選。頌已德政。亦入志書。于義何居。大乖志例。病八。甚有臚列已文。似已文集。桂林相國。曾議其非。病九。雖曰志乘體裁。似宜有褒無貶。然使過于夸飾。何以傳後。信今。病十。至于考核不精。予奪不當。體例不善。敘述不詳。去取不嚴。關係不載。此六者。

興義府志序

三

興義府志序

尤撰志之大病也。凡此十六病。錄今定案。豈盡無之。然錄于此書。徵引必著書名。稽溯必詳源委。采摭必求關鄆。條目必求分明。訪冊不盡信憑。引書稍加裁節。俚言必去。晦語必芟。矛盾必無。論斷必有一事必互考。各說必並存。不崇尙異端。不濫存嘖語。昔人之文多錄。近人之作略存。至間載已文。僅數篇見意。而頌揚德政。則一字不登。列傳核實必嚴。諸志夸詞必削。考核必求一足。予奪必歷衆心。體例悉本前人。敘述折衷聚訟。去取俱有深意。關係盡爲大書。此寸心所自信。而于舊志稍有微功。于興郡非無小補者也。或曰。舊志祇八卷。似過于簡。今書七十四卷。毋乃過于繁乎。不知志體繁簡何常。即今于舊志事蹟。盡采入書。而字節句刪。文省于舊。是今更簡于舊志也。至上下三千年。別增事蹟。近今一百載。臚載典章。此固宜詳而賅。不宜

簡而略已。況表傳既增。州縣兼志。則卷多于舊。勢有必然。且古今志書。固有以簡勝者。亦有以繁勝者。如宋常棠之澈水志。僅十四頁。元馮應京之昌國州志。僅七卷。明康海之武功縣志。僅二卷。韓邦靖之朝邑縣志。僅二十餘頁。此皆簡而能賅。以簡勝者也。若宋潛說友之臨安志。九十三卷。明劉昌之蘇州續志。一百卷。陳繼儒之松江府志。九十四卷。程敏政之新安志。一百卷。陳善之杭州府志。一百卷。此皆繁而不蕪。以繁勝者也。然以簡勝者。皆州縣志也。以繁勝者。皆郡志也。蓋州縣志。祇載偏隅。事蹟少。宜以簡嚴勝。郡志兼載各屬。事蹟多。宜以詳贍勝。舊志名爲郡志。實僅載親轄一隅。則猶之州縣志也。宜可以簡也。今則備載各屬。與其簡而略。不如詳而賅矣。抑錄更有說焉。昔宋朱長文撰吳郡圖經續記。徵引博而序述簡。范成大撰吳郡

興義府志序

四

興義府志序

志。典贍而不蕪雜。羅願撰新安志。自稱爲儒者之書。具有微旨。張洪撰會稽續志。多補正前志之訛闕。此四書。錄心向往之。願學焉。而錄又有竊惡焉者。唐杜祐通典。論撰地志之失曰。纖介必書。樹石無漏。豈撮機要者。華陽國志之類。皆多訛繆。何暇取之。而錄今于善行表。纖善必書。于地理志。樹石間載。華陽國志之類。亦多援引。此錄之失。而自惡者也。又唐李吉甫元和郡縣志。論地志之失曰。言地理者。尚古遠。或搜古略今。采諸俗。多傳疑失實。至于邱壤山川。攻守利害。皆略不書。今錄于此書。略今失實。庶幾可免。而攻守利害。僅于形勢兵制。附論大略。未能出卓識。樹崇議。著爲名言。此又錄之失。而深惡者也。特以稟經數易。頗費苦心。藏棄不棄。久恐散佚。故特率屬捐俸。梓續有所得。當再增修。願博雅通人。先賜正之。幸甚。

咸豐三年二月朔日
欽加升銜軍功道銜前護貴西兵備道興義府知府南皮張鏐謹序
于郡署欲寡過軒

興義府志 序

興義府志修輯銜名

鑒定

原任 雲 貴 總 督賀長齡 湖南善化人
太子太保 原任 雲 貴 總 督林則徐 福建侯官人
原任 雲 貴 總 督李星沅 湖南湘陰人
前任 雲 貴 總 督程喬采 江西新建人
原任 雲 貴 總 督吳文鎔 江蘇儀徵人
兵部尚書兼都察院右都御史雲貴總督羅繞典 湖南安化人
太子少傅 原任 貴州巡撫喬用遷 湖北孝感人
兵部侍郎兼都察院右副都御史貴州巡撫蔣霽遠 漢軍鑲黃旗人
前任 貴州布政使吳式芬 山東海豐人

興義府志 卷首 銜名

前任貴州布政使今升福建巡撫呂佺孫 江蘇陽湖人
貴州承宣布政使司布政使 羅炳綱 滿洲鎮藍旗人
前任貴州按察使今升雲南巡撫吳振棧 浙江錢塘人
前任貴州按察使升任江蘇布政使武棠 山西陽高人
貴州提刑按察使司按察使孔慶鋤 山東曲阜人
原任 貴州學 政丁嘉保 江蘇武進人
前任 貴州學 政翁同書 江蘇常熟人
貴州學政翰林院編修黃統 廣東順德人
貴州糧儲道承志 滿洲正黃旗人
前任 貴西兵備道田潤 陝西臨潼人
貴西兵備道福連 滿洲正藍旗人

纂修

興義府知府張鏌直隸南皮人

協修

舉生 人鄒漢勳湖南新化人
員朱逢甲江蘇華亭人

分輯

前署貞豐州知州張克禴湖南華容人

貞豐州知州蔣時淳湖北天門人

前署興義縣知縣徐鉉江蘇宜興人

興義縣知縣胡霖湖北黃岡人

前署普安縣知縣高廷鏌江西東鄉人

興義府志 卷首 銜名

二 貴州文通書局代印

前署普安縣知縣陳炳煜江西崇仁人

前署普安縣知縣錢元善浙江山陰人

普安縣知縣汪先煥安徽桐城人

前署安南縣知縣吳葵直隸涿州人

署安南縣知縣陳鏊直隸文安人

興義府教授張元弼貴州遵義人

興義府教授馮正杰貴州遵義人

署貞豐州學正趙玉墀貴州貴陽人

興義縣訓導孫元相貴州都勻人

普安縣教諭盧志超貴州石阡人

普安縣訓導李榮慈貴州貴筑人

安南縣教諭楊連奎貴州遵義人

興義府經歷李逢諤江南鎮洋人

前署冊亨州同張元泰安安徽桐城人

署冊亨州同王鼎沅江南上元人

採訪

翰林院編修景其濬興義府人

直隸望都縣知縣鄔井南興義府人

江蘇荆溪縣知縣景其淦興義府人

山東長山縣知縣曾敘符興義府人

雲南順甯縣知縣景堯春興義府人

貴州貴陽府訓導孔廣沛普安縣人

興義府志 卷首 銜名

三

貴州黃平州學正景其澍興義府人

貴州鎮遠縣教諭陳嘉霖興義府人

舉人楊智超興義府人

舉人景其全興義府人

舉人徐世德興義府人

舉人張詠棠興義府人

舉人胡爾昌興義縣人

舉人孔廣修普安縣人

舉人王績康貞豐州人

副貢生張國華興義府人

副貢生繆正經興義府人

凡例

一舊志未恭載

御製通志載之。列於第二十二卷。殊非尊

王之義。今恭錄敬冠卷首。其通志未載者。謹據

列聖御集諸書。及郡之碑牘。恭錄備載。

一興圖。今備列舊志通志會典

皇輿圖諸圖。并錄圖說。圖中間加辯正。仿王秦恭閱史書約地圖

例。以朱書列之。圖說中間加辯正。則或注句下。或附說後。悉加按

字以別之。又補撰考正諸圖。皆附以說。其他城署文廟書院諸圖

亦皆圖補。昔元戚光撰金陵續志。刪去舊志輿圖。元張鉉金陵新

志譏之。故今於舊圖。雖有謬訛。第加考正。悉爲登載。

興義府志 卷首 凡例

一目錄。首卷。列總目。各卷之首。又各細列子目。庶綱目秩然。易於省

覽。

一書中引用諸書。但標書名。不標撰人。卷首備列引用書目。注明撰

人。以備考核。

一志者史之流。體例有志。有表。有傳。舊志無表傳。今仿宋周應合建

康志例。補撰表十有二。列傳十有七。

一凡人物。有事實。立傳。無事實。列表。完人。立傳。節取。列表。已故。立傳。

生存。列表。

一舊志。僅八卷。分爲八志。今於舊志所有。天文。地理。秩官。賦役。營建

藝文。諸志外。補志九。曰河渠志。學校志。武備志。經制志。祠祀志。古

蹟志。風土志。物產志。大事志。

一舊志。有語焉不詳者。如分野不備。載異說。沿革則闕載數朝。人物

典章。前代不詳。

國朝亦略。諸如此類。今並增修。

一舊志。僅志府親轄境。未志府屬州縣。今各屬皆補志。

一興郡。知府與州縣。分疆而治。自宜於各門之中。府州縣。各爲分志。

昔宋陳耆卿。撰台州志。於屬縣。事跡藝文。條分件繫。今仿其例。至

宋羅潛撰四明志。則以府與屬縣。分疆而治。以前十一卷。爲郡志。

以後十一卷。爲屬縣志。體例又異。今從台州志例。不用四明志例。

一舊志。今悉采入。惟閒冗字句。間有節刪。各屬惟安南縣。有志。稟四

卷。未刊。今亦悉采入。惟詞多近俚。略加潤色。

一舊志。名南籠府志。其稱貞豐州。曰永豐州。今遵

興義府志 卷首 凡例

欽改之名。稱興義貞豐。惟引原文。則仍其舊。

一書中。稱地名。各隨其時。如興義府。序漢事。稱夜郎。牂牁。與古。序唐

宋事。稱盤州。于矢。序元明事。稱普安。安隆。安龍。序

國朝事。稱安籠。南籠。興義。他地名。及官名之類。倣此。

一舊志。郡轄有普安州。而無興義縣。今普安州。已改爲普安廳。不隸

府。自應削普安州。而補志興義縣。

一普安縣。興義縣。皆析普安州地置。今核昔之州地。今改入二縣者

志之。至人物。昔爲普安州人。今考之。實爲二縣人。即書明今爲何

縣人。其無可考者。姑闕疑焉。

一安南縣志。雍正九年撰。貴州通志。乾隆三年撰。普安州志。乾隆二

十二年撰。南籠府志。乾隆二十九年撰。皆未載乾隆以後事。今別

考羣書補撰。

一書中引用南籠府志。安南縣志。貴州通志。大清一統志。

大清會典。黔南識略。黔南職方紀略。頗多。其標書名。省稱舊志。安南志。通志。一統志。會典。識略。紀略。其稱一統志。或與元明一統志。並引。則加

大清二字以別之。

一貴州通志。有四。一爲明沈思充本。一爲明謝東山本。一爲康熙時。衛既齊本。一爲乾隆初。鄂爾泰本。今書中援引。其文各異者。分別言之。文同者。但稱通志。

一舊志。絕不一引書籍。今增修。必引證羣書。兼標書名。以明信而有

興義府志

卷首 凡例

三

貴陽文通書局代印

徵附著已說。必加按字識別。庶不相混。昔明董斯張撰吳興備志。皆徵引古書。錄其原文。有所考證。則附著其下。今實仿其例。

一列傳。體宜鎔裁。與志表體異。傳中序事。未便標明所據之書。今仿宋高似孫嶧縣志例。於傳後注明。至志表。本文已標書目。則不複注。

一列傳。有羣書未載。而今據見聞撰補者。則注明撰補。

一志例。各門冠以序引。今遵其例。撮序大旨。

一書中通例。志事皆分綱目。如志分野。以所主一說爲綱。而附列各說爲目。志沿革。則分列各朝大略爲綱。而分詳各朝改革爲目。志疆域田賦之類。則標舉今時之制爲綱。而備載今昔之制爲目。庶覽綱。即知大旨。覽目。更悉源流。

一分野之說。

欽定熱河志。闕而芟之。今列舊說。而謹附說辯闕。

一志例。有關於地則書。無關於地則不書。不敢泛濫無歸。誇多門靡。一書中事實。有互異處。擇其近是者從之。其異者。附注句下。以備參考。

一書中。事有互見者。注詳某處。以省繁複。

一書中。於前人之書。多所辯正。實事求是。非好與古人爲難。閱者諒之。

一書中引近人之說。有未是而辯正者。冠以或曰二字。不著其名。

一采訪事蹟。所見異詞。所聞異詞。未敢盡憑。頗多去取。

一宋呂祖謙。有大事記。周應合之建康志。有年表。袁樞有紀事本末。

興義府志

卷首 凡例

四

貴陽文通書局代印

貴州通志。於大事。亦立本末一門。今仿其例。於大事。立編年本末二門。編年。則綜括諸大事。本末。則詳載數大事。互補碑漏。

一梁沈約宋書。創立符瑞志。後人譏之。宋鄭瑤嚴州續志。增立瑞產

一門。後人嗤爲蛇足。今于祥瑞災異。並列於編年一門。祥瑞不侈陳。災異不諱削。災祥並志。竊取春秋之義焉。

一藝文。仿宋范成大吳郡志例。分載各門。而於藝文志中。仿漢書藝文志例。僅載書目。

一吳郡志。志水道。仿水經注例。源流秩然。今仿其法。

一元徐碩撰嘉禾志。載碑碣。多至十一卷。後人稱之。今郡境古碑雖少。前明石刻。猶可訪拓一二。特立古碑一門。備誌其處。以補舊志之遺。其碑文。則業經分附各門。不複載。

一志壇廟。載列祀典者於前。不列祀典者附後。

一宋王存撰九域志。於鄉鎮之名。土貢之數。皆一一具載。今仿其例。于地理志中。增志屯寨一門。而於物產志中。水銀雄黃。及硝之譯。額。亦爲詳載。

一興郡苗疆。苗語侏僂。聽訟者每茫然不解。今特譯載苗語狃語。於風土志中。方言之後。以備考證。

一地利道里。學額學田。試院試費。義學社學。兵制塘汛。經費驛鋪。公所坊表之類。舊志闕載者。悉爲撰補。

一宋梁克家撰三山志。附山川於寺觀。人物惟取科第。土俗兼載。載謠。後儒訾議。今山川寺觀。各自爲門。而志人物。則以忠孝廉節爲主。如無德業。雖拔巍科。躋顯職。不爲立傳。謠識則概行芟削。

義府志

卷首 凡例

五

改陽文通書局代印

傳例。生存不立傳。惟孝子節婦。業邀旌典者。不泥此例。

一各官鄉賢。例須題准入祠者。方立傳。興郡尙待題請。惟竊思郡之循吏名賢。實不乏人。倘盡削不紀。則何取乎有志乘。今慎擇立傳。以備後人采摭事實。題請。惟於此二傳。綜核綦嚴。稍不副名。卽入附傳。於並載之中。微寓去取之意。

一列傳於前朝人。皆冠以朝代。惟

國朝人則否。

一舊志於職官。署事者概不載其姓名。今於職官表中。盡載之。惟大節有虧者。削其名。而附說以明削名之故。

一書中敘事。必求簡明。惟於大事志。則求詳贍。

一志貴明核。尤貴雅馴。不敢好用奇字。攪入俚言。惟所引古書原文。問有一二與朴語。則仍之。不敢妄改。

一字有當擡頭者。遵

欽定明史。及

國朝滿漢名臣傳例。皆另行平擡。

一字體。既不敢過於泥古。亦不敢過於徇俗。如郡境。漢爲牂柯郡。牂柯二字。史記作牂柯。而漢書作牂牁。後漢書作牂柯。今考牂柯。繫船之木也。莊騶伐夜郎。立木於岸以繫舟。後因名其地。牂大也。柯木也。言繫船木。其首如牂羊之大首。而其柄如斧柯也。則當從史記作牂柯。如此之類。宜從古者也。又如盤江。蜀志作槃江。明史作盤江。捧鮮。黔書作拿鮮。通志作捧鮮。仲家苗。元史作仲家苗。五代

興義府志

卷首 凡例

六

改陽文通書局代印

時。馬殷之將。仲帥之後也。而黔書作狃。獮家苗。宋史作儂家苗。儂智高之後也。而通志作獮。如此之類。從古雖是。易於駭俗。宜不泥古。而作狃作獮。以求通俗者也。又如羅甸。蜀志作羅甸。唐書作羅殿。羅藩。宋史作羅藩。通志作羅煩。或又作羅炎。樂煩。樂繁。如此之類。音近字異。倘泥古而改。今貞豐之羅煩。甲羅炎。河爲羅藩。甲羅藩。河人將不知爲何地。此又當隨俗者也。他如歪染汎之歪。不必依說文。改作耐。普安縣之普。不必依說文。改作替。以及俸不改奉。陣不改陳。燃不改然。擒不改禽之類。倣此矣。又有俗字。爲字書所無。而當隨俗者。豈年之聲。俗音這。豈皓之豈。土音讀爲恩巴切。皆當隨俗以存奇字者也。至明十八先生中。有朱議景。景字亦字書所無。今考明史諸書作景。而三藩紀事本末。作朱議景。景字似非

命明之字。恐是景字之訛。今志中。從三藩本末。作景。惟有過於俗者。如黃草壩之壩。俗作垠。采訪之采。俗作採。不知采已從爪。棟梁之梁。俗作樑。不知梁已從木。以及須訛湏。不知湏即古沫字。商訛商。臺訛台之類。不知音義迥異。則不敢過於徇俗者也。

一是書。雖歷十三年而成。然既不設局。亦不勸捐。惟與賢僚文士。商榷成書。捐俸付梓。訛漏知所不免。異日續有所得。當再正補。

興義府志 卷首 凡例 七 貴陽文通書局代印

興義府志卷首總目

卷首

御製 引用書目 圖說

卷一

天文志 分野 極度 附 偏度

卷二

地理志 沿革

卷三

地理志 疆域

卷四

地理志 形勢 勝景附

興義府志 卷首 總目 貴陽文通書局代印

卷五

地理志 氣候 地利

卷六

地理志 城郭

卷七

地理志 道里

卷八

地理志 關隘

卷九

地理志 屯寨

卷十